

تجلت زينة الاطباع نجمة ،
بليلة فرحها يحكي غلاها ،
رغد في ثغرها الفتان بسمة ،
اذا طلّت تغنت في حلاها ،
طبايعها العطا والعقل حكمه ،
وانا ابوها مسقيها وفاها ،
وصايفها الجمال بكل كلمة ،
عسى الله يسعد الفارس معاها ،
لها ركان شيخ الطيب علمه ،
يشرف ربه اللي به تباهى ،
يحقق حلمها ويشوف حلمه ،
مع الزينة وتروى من هناها ،
واذا هب الهوى للشوق نسمة ،
تعطر عمرها تنعش سماها ،
عطية حب والارزاق قسمة ،
عساها تكسب الغالي عساها ،
وانا اوصيك عاشرها برحمة ،
رضاي اليوم بالغالي رضاها ،
جعلكم دوم في عز ونعمة ،
ولا تعشق من العالم سواها ،